

استدینا

نومرو ۲۰

پنجشنبه

۲۸ کانون ثانی ۱۳۲۴

مأذونلری ترجیح ایدیه جکدر. و بویله بر سبب ترجیح اولدینی تقدیرده مسابقه امتحانی اجرا اتمک لازمدر. هر نظر اتمک ماهیت امور و معاملاتنه نظراً امتحانک صور و شرائط اجراییه سی قومیسون طرفندن تعیین اولنه جکدر.

التنحی ماده قادر و خارجنده براغیلان مأموریندن اوصاف لازمه پی حائز اولانلر تدریجاً یرلشدیرلمک اوزره قادر و خارجنده معاش آله حق و اقتدار و اهلیسزلیکی ثابت اولوبده مدت خدمتی بش سنه پی تجاوز ایدنلره بیک غروشه قدر معاشک و بیک غروشدن یوقاری معاشک هر بیک غروشی ایچون یوزده ضمیله بش سنه لکی تضمینات اوله رق و یریله جک و یاخود تدریجاً بودجه دن طی ایدمک اوزره اسامی و مقدار معاشلری مبین برر دفتر تنظیم اولنه جکدر.

یدنجی ماده مقدا اجرا ایدیلن تنسیقات اشبو نظامنامه احکامی دآره سنده تعدیل و اصلاح اوله رق و قادر و معاشاتی مقدارینک تعییننده ایجاب حال وزمانه کوره بعض تعدیلاتله ۹۶ الی سنه سنده نشر اولنان تنسیق معاش قرارنامه سی اساس طوتله جکدر.

سکزنجی ماده اشبو نظامنامه وجهله یاسیله حق تنسیقات دفترلری ۳۲۴ سنه سی شباطنک ختامندن اول بودجه نک تدقیق و تصدیقنه اساس اولمق مجلس مبعوثانه کوندر یله جکدر.

نظامنامه نک اجرا و تطبیق احکامندن هیئت وکلا مسئولدر.

هوسکاران دیپلوماسی به

(کچن نسخه دن مابعد)

تشبثاتک حسن صورتله تلقیسی ایچون رعایت ایدمک لازمکن شرائط عیدیه دن بری ده معطوف ایی اولدقلری امور و خصوصات نهیه متعلق بولنورسه بولنسون ونه درجه محق شکایاته باعث اولورسه اولسون شدت و انفعال دن توفی ایدیلوب کمال اعتدال و نزا کتله بیان حال و کیفیته اعتنا ایلیمکدر. ذاتاً مأمورین

سیاسیه نك شفاهاً تشبثاته زمین اولان احوال علی الاکثر نظارت خارجه دن
غیری دوار مأمورلرینك اجرا آتیدر مثلاً كرك مأمورلری مقاوله موجوده
خلافتده رسوم فاخته آلمش، ویا تبعه مزدن برینه ضابطه جه مغایر اصول بر معامله
اجرا ایدلمش، و سائر... بنابرین مخاطبمز اولان خارجه ارکان و مأمورینی
مسئول و معاتب طوتیه میوب کندی لرینه مراجعتزدن مقصد یکانه احوال ممانله نك
منعی ایله مشکی لرك احقاق حقنی تأمیندن عبارت اوله یسه جکندن بوکا دلائل لرینی
نازکانه بر صورتده طلب ایتمك لازم کله چکی کندی لکندن ظاهر اولور. واقعا
هر زمان ملائمت کو سترمک ده موافق حال و مصلحت دکلدر ایجابنه کوره ابراز
متانت دخی لازمه دندر فقط بوده نزا کندن آیرلماق قیدیه مقیددر. اساس مسئله
مطلوبزدن واز یکمیه جکیزی احساسدن عبارتدر. برده مراجعت ایتدی کمز
ذوانك آز جوق مشرب و مزاجنه واقف اولغه چالشمق ده فائده دن خالی دکلدر.
بعض مأمورلر واردر که نازکانه و ملائمانه مراجعتی یا کلاش تلقی ایدرک حلم و نزا کتی
عجز و جبانته، هیچ اولمز ایسه ترویجی التزام ایدیلان ایشك حقسرلغه حکم ایدرلر.
بو کیلر قارشو فضله جه متانت کو سترمك ایجاب ایدر. دیگر بعضیلری ایسه
صیقجه بر تشبثدن خویلا نوب کویا حکومتك وقایه حیثیتی غیرتیه بی لزوم
احترازلر، بهانه لر چیقارهرق ایقناع مشکلات ویا تعویق مصلحت ایلرلر.
شو سبیلردن ساشی مخاطب لرك پسقو لوژی سنه (احوال روحیه سنه می دیه جکز؟)
آگاه اولغه چالشمیدر. بوملاحظاتی تأییداً خاطر ائمدن برفقره جق نقل ایده جکم.
بلکه کولنج کورینه جك، فقط قصه نك حصه سی یوق دکلدر: كرك ایشلرینك
مرجع یکانه سی اولان بر ذاته اکثریا مراجعت مجبوریتنده بولونیوردم.
اعتراف ایدرم که بو مراجعت لرم بدایه یک آز مشمر اولوردی. مخاطم نظاماتی،
مقاولاتی درلو درلو تفسیراته اوغرا شیر، بیک درلو موانع چیقاریر، و مدعیاتنك
برر بر جرح ایدلمسی اوزینه سویله جك برشی قالمزسه، او حالده ناظر دن
استیذان ایدیم، و بره چکی قراره کوره لازم کلنره تبلیغات اجرا ایدرم یوللو
بر جواب ایله ایشی لیت لعل یه دو کردی. تشبثاتك همیشه بویه بر نتیجه یه

منجر اولسی طوغریسی نی پک زیاده اوزردی . نهایت بر کون او ذاتک
عائله سنی طانیدم . اون اون ایکی یاشلرنده کی اوغلی ده بومیانده ایدی . معارفه مزدن
برقاج کون صکره ایجاب مصالح نی تکرار او چتین مأمورک نزدینه سوق ایتدی .
معارفه واقعه دن وعلی الخصوص اوغلنک ذکا درایتدن حسب النزاکه بحث ایتمک
ایجاب ایدیلوردی . برقاج سوز سویلدم . صانکه سوزلرمده بر قوئه ساحرانه
وارمش کی مخاطبده فوق المعتاد بر حال انبساط کوردم . کولر یوزینی کورمک
نصیب اولیان بو ذاتک چهره سی صولک درجه بر بشت کسب ایتدی . مصاحبه مز
کیتدکه اوزادی . چو جفنی بیوتدک ، عالی مکتبلره ویردک . اورویا به یوللادق ،
مهتره مالین صره سنه کچبردک . خلاصه بز صحبت اوقدر قوبولمشزکه اوکله وقی
کلش کچمش ' داره دن هر کس چیقمش ! صولک دقیقه ده سبب مراجعتی انجق
اکلاته بیلدم . نتیجه : حقکزوار اقدیم باش اوستنه همان تلغراف چکرم . بغیر
حق الزمان رسوم اعاده اولسون ! » بنده کی نشئه ده مخاطبمک بشاشتندن
اشاغی دکلدی . مسروراً عودت ایتدم ، و بعدما بوتایالاتدن استفاده ایتمکه عزم
ایلدم شو عزم دن پک چوق ثمره لر حاصل اولدیغنی علاوه حجت کوردم
ضعیف طمارینی بولمش ایدم تشبثاتم قولایچه نتیجه پذیر اولیلوردی ...

دیگر بعض ذواتده چوق سویلمکی ، کندندن بحث ایتمکی ، مسلکندنه کی
موققیاتنی تعداد ایتمکی سور بونلرک یانسه کیدر ایکن صبر و سکون ایله مسلح
اولمی ، بول بول دکله ملی ، مبدولاً القشلاملی ، نظارتده اولسه ایشلرک
یورومیه جکفی ، بتون دیپلوماتلرک بوفکرده اولدقلرینی ، دندیسنی پک
سودکلیرینی ، حتی کچنلرده وقوع بولان قیصه جق بر غیوبتتک نه قدرده حس
اولندیغنی سویلمکی . مخاطبک قولتوقلری قبارد قجه قباریر ؛ یلکنلر صویه اینر .
سزنی ممنون ایتمک هوسی ایله ایشکزی کورر .

بومشاللری اوزاتمغه حاجت یوق . ارباب دقت بووادیده کی تجربه لری ایله
طریق استفاده نی بالذات بولور . بنجه علاوه ایدیله جک دیگر برجهت قالیورکه
اوده فرق متعدده سیاسیة رجالی حقنده ایدیله جک معامله به دار برقاج سوزدره :
- استشاره -

حکومت مشروطه ده رجال حکومت منسوب اولدقلری فرقلرک ریاست کاره قعود و سقوطلری ایله دیکشور . بعض دفعه لر مملکتک داخلی و خارجی بحرانلری سوقیله بو فرقلر یکدیگرینی پک آز بر زمان اینجده ولی واستخلاف ایدرلر . بناءً علیه ریاست کارده بولان قایینه نك ارکانندن بعضیلری ایله صمیمی بر معارفه پیدا ایدلدیکی ویا اوقایینه نك مسلکی ده ها موافق کورلدیکی اینچون فرق ساره ارکانی حقنده باردانه طاورائق مسلکلرینی تنقیده قالمشوق قاعده حزم واحتیاطه مغایردر . بو فرقلردن برینک یوماً من الایام رأس کاره کلوب آنلرله مناسبات رسمیه ده بولونیله جنی احتمالی هر زمان درپیش ایتمی واکا کوره حرکت ایتملیدرکه بالاخره برودت شخصییه بوزندن معاملات رسمیه سکتهدار اولسون .

ملاحظات قاصرانه بو مقاله جکله ختام ویریورم . بالذنبه قلیل بر مدت ظرفنده کی تجاریمه مستنداً قاره لادیغم بش اون صحیفه نك دیپلوماسی مسلکی کبی نازک بر مسلکک دقایق وغوامضی احتوا ایدهمیه جکفی تکرار ایدرم . بضاعه سزلکمده انضمام ایدنجه بو صحیفه لر دن ایدیله جک استفاده نك پک محدود قاله جنی بسبتون آشکار اولور . ذاتاً مقصد اقتدار واهلیتلی اولدینی حالده بر عالم مجهوله کیرمکدن اجتناب ایدن کنج مسلککداشرمه جسارت ویرمکدن عبارت ایدی . شو مقصدمه آز چوق موافق بر تاثیر حاصل اولورسه نه موطلو ! مسلکده تکامل ایسه دیپلوماسی حقنده تبعات متوالیهیه ، اکتساب قدمه ، و تزید تجاریمه وابسته در .

محمد صالح

عسکرلکک نتایج سیاسیه و اقتصادیه سی

بو مقاله ده مقصدمز عثمانلیرک پک شانلی و شهرتلی اولان عسکرلکلرندن بحث ایله بونک بر نوع^۱ تاریخیچه سی یازمق دکلدیر . یکیچیرلرک لغوندن صوکره مملکتیمزده احداث^۲ ایدیلان اصول جدیده عسکرینک صورت تطبیقندن ناشی مالک عثمانیه ده وقوعبولان تبدلات عظیمه سیاسیه و اقتصادیه و بونلرک نتیجه سی